



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

27 d Cosmas vnd Damian/ ärztz vnd Märterer.

**urn:nbn:de:hbz:466:1-41449**

September

Hispanien/vnnd vonn der Gesellschaft der allfftausene  
Junctfrawen.

Anno Dñi 300. Item zu Rom des H. Bischoffs Eusebii / der ein  
Griech/vnnd in Künsten ein Arzet war/ soll vnder dem  
Kaysler Maxentio gemartert worden sein.

Item zu Aruern die begräbnuß des H. Bischoffs  
vnd Beichtigers Apollinaris.

Item die Erhebung des H. Diacons Meynulpfi.

Item in Salsburger Bisthumb des H. Bischoffs  
Virgilii / vonn welchem hernach am 27. tag Winter-  
monats weiter.

Lib. 3. Dialo. Item des H. Pfisters vnd Beichtigers Amantij/  
von welchem S. Gregorius schreibt.

d v. Calendas Octobris.

Der XXVII. tag im Herbstm.

Anno Dñi 277. In der Statt Egea inn Arabia / ist heut der  
Geburtstag der heyligen vnnd berümpften mar-  
terer Cosme vnd Damiani / welliche zwen Bü-  
der vnnd Arzet waren / verachteten das Gelt / vnnd  
haileten vmbsonst durch die Krafft Christi allerley  
Kranckheiten an Menschen vnnd Viehen / darumb  
warden sie vnder der Verfolgung des Tyrannischen  
Kaysers Diocletiani gefangen / haben durch G D T  
T E S hillff / Wand / Gefencknuß / Meer / Feuer /  
Creuz / Stein vnnd Pfeyl überwunden / seind endelich  
samt anderen dreyen ihier Brüder (nemblich Antis-  
mo / Leontio / vnnd Euprepio) enthauptet worden /  
deren Leiber die Gaislichen Männer nicht weit vonn  
der

der Statt Egea / an einem ehrwürdigen ort begraben/  
aber die Leiber der heyligen Cosme vnd Damiani/ rü-  
hensekund zu Venedig in S. Georgen Kloster.

Item der H. Frawen Theodote/welche ein Müt-  
ter war der H. Marterer Cosme vnd Damiani.

Item der H. Brüder Adulphi vnnnd Johannis/  
welche von ihrer heyligen Mütter Arthemia / inn aller  
Gottseligkeit auffgezogen / ihren Christlichen Glauben  
in der Marter bestendig vnd herrlich bekanten/vnnnd in  
der Arabischen verfolgung ihr blüt vmb Christi willen  
willigklich vergossen haben / auch in der Statt Cordu-  
ba in Hispanien vmb Christi willen enthaupt.

Item zu Mayland des heyligen Bischoffs Cay/  
so des H. Apostels Barnabe Jünger / vnd ein rechter  
Apostolischer Mann war / mit Prophetischem Geist  
erleuchtet / der auch zu Rom mit dem heyligen Papp  
Elemente von seinem Predigampt handelte / vnnnd die  
H. Marterer Geruasium vnd Protasium sampt vielen  
andern im Christlichen Glauben vnderwiß / vnd sterck-  
te / zur zeit der Neronianischen verfolgung. Vnd nach  
dem er sein Kirch zu Mayland löblich regieret hett / rü-  
het er im Herren.

Item in der Burg Seduno in Franckreich / des  
H. Florentini/ welcher sampt dem H. Hilario nach ab-  
schneydung der Zungen Christum frey prediget / vnnnd  
darumb mit dem Schwert durchstochen ward.

Item an disem tag ist der H. Euangelist Johan- Anno Dñi  
nes vnder Domitiano / sampt dem heyligen Diacon 100.  
Procoro ins ellend verschickt worden.

Item die erhebung des heyligen Bischoffs vnnnd  
Marterers Stanislai/ von welchem oben am 11. tag  
Apulis weiter.

An iij

Item

## September

Item zu Metz / die begräbnusß des heyligen Bischoffs vnd Beichtigers Petri.

Item zu Paris des hailigen Grafen vnd Beichtigers Elzeari / von der dritten Regel S. Francisci / führet ein Gottseligen wandel / vnnnd leuchtet mit wunderzeichen.

Item inn Dacia die entschaffung des hailigen Beichtigers Ketilli / regulierten Probsts der Kirchen zu Wiburg.

Item zu Cöln am Rhein die Kirchweyhung in S. Peters Pfarrkirchen.

Item des heyligen Geranni Bischoffs vnd Beichtigers der Statt Paris.

Item zu Sagien die Kirchweyhung derselben Statt / die durch das ganze Bistumb gehalten wirdt.

Item der Geburtstag der H. Junckfrawen Hiltrudis / die auß liebe Christi den Breutigam auff Erden flohe / vnd manlich anhanget Christo dem vnsterblichen Breutigam / hat ihn fürnemmen mit einem löblichen end beschloffen. Ihr leib rühet in Hannonia inn dem Kloster Letiss.

e iiij. Calend. Octobris.

## Der XVIII. Tag im Herbstmonat.

**Z**u Prag in Behmerland ist heut der Tag des heyligen edlen vnd berhämpten Herzogen vnd Marterers Wenceslai / welcher zur zeit Kaisers Dithonis des ersten / seinem Vatter inn Behmischer regierung nachkommen / vnnnd sich in der Christlichen Religion gar eingezogen / vnnnd also Andächtich hielte / daß

Anno Dñi  
970.